

四



五

九國志卷十

宋路振撰

閩司空

司空

太祖

嗣主

九國志

卷十

閩

一

曰閩稱王十二年十月辛卯遇弒國
 明宗天成元年十月辛卯遇弒國
 既卒自為留後同光四年三月
 名延翰字子逸審知長子初審知
 啟初追諡昭武皇帝廟號太祖
 未薨在位二年四月封王後唐
 梁開平三年授本軍節度使天祐
 十月癸卯授本軍節度使天祐
 以大事既卒自稱留後光化元年
 名審知字信通潮留後光化元年
 武軍拜節度使三年九月丁未
 以福建觀察使三年九月丁未
 月也至景福二年盡有泉汀五
 將軍署潮為軍正既誅緒推為
 審邽審知以材氣知名號龍屠
 姓王名潮字信光州固始人唐
 天德三年滅于南唐歷七主凡
 以唐景福二年有泉汀五州地
 閩司空德帝三年景福二年有
 宋路振撰

惠宗

名麟初名延鈞審知次子建州刺史王稟審知養子也既與延鈞殺延翰推為留後天戊辰進封閩王長興四年正月稱帝改元凡改元二龍啟二年永

康宗

名繼鵬使奉表于唐明年改元通文四年閏七月辛巳即位更名昶既而稱節度使長子既弒明日辛巳即位更名昶既而

景宗

名義初名延義明廣武應道大宏孝皇帝廟號康宗繼鵬遇弒控鶴軍使連重遇等迎立自是節度使閩

天德帝

名延政隆道大孝皇帝廟號景宗義肆為醜虐貽書切諫遂成仇敵久之自立為帝

王仁達

文進連重遇於天德三年正月迎延政為帝復號曰閩是年八月丁亥唐兵破建州出降時晉開運二年為唐保大三年也保大五年唐封為鄱陽王九年徙封光山王未幾薨贈福王諡恭懿

仁達延鈞從子也幼聰悟博覽羣書及長魁梧有機畧善用鐵

槊每擐甲持槊上馬馳刺觀者稱其妙延鈞襲位仁達為樓船

指揮使王延稟叛與其子繼雄領兵攻福州仁達率舟師禦之

偽立白幟請降繼雄登舟與語因刺殺之以首示延稟大慟士

卒擾亂擊破其軍擒延稟以獻遷親從都指揮使領台州刺史

性慷慨自以功高又居親衛言事頗肆曾臆延鈞忌之一日延

鈞宴羣臣酒酣顧謂仁達曰趙高指鹿為馬以愚二世其理安

在仁達對曰秦二世幼冲為強臣所蔽故有此弊今朝中官吏
不滿百人長短美惡陛下皆見之動息飲啄陛下皆知之敢有
蒙蔽聰明擅作威福召滅族之禍者耶延鈞大慙因賜金帛以
慰之翌日加檢校太傅自是延鈞每醉即欲殺仁達私謂所親
曰仁達多知畧當吾之世猶可駕馭觀其辭氣非幼主臣也後
竟誣以叛誅之

卷一萬八千一百
三十七第七頁

楊思恭

思恭建州建陽人少俊爽好學有心計事昶為同安尉延政聞
其名辟為節度巡官襲位遷戶部尚書時兵革屢興國力空匱
命思恭為僕射錄國事增山澤墾畝之稅魚鹽蔬果皆倍其算

道路側目號楊剝皮唐兵至建陽延政遣統軍陳望帥眾拒之
列寨相屬斥堠甚明唐人不敢逼凡月餘不戰思恭遣使以延
政之命詰責之望對曰江淮間多精兵將帥練習戰事未可輕
敵陛下不以臣不肖舉國中之眾以屬於臣安危之機在此一
決今之曠師非臣之法也且欲觀其變為萬全之策耳思恭大
怒復遣讓之曰淮兵侵凌百姓叛逆睡不交睫食不知味且彼
之眾不過數千跋涉山川師無停糧將軍擁眾盈萬兵精馬壯
今乘危投隙與之角戰是以石破卵也若曠日持久使其營壘
堅固芻粟豐備復何望哉將軍授國重恩宜盡死力立功立事
以報萬一江淮懼而自退將軍無血刃之勞何面目見陛下乎

望不得已乃引兵渡水唐人張左右翼以擊我軍大敗溺死者
尤衆延政降思恭遂歸金陵斬於建康市

卷一萬八千一百
三十七第七頁

留從效

從效泉州桃林人少隸本城為衙兵征臨汀以功遷冗員指揮
使朱文進殺延義竊據福州以其黨黃紹頗為泉州刺史從效
與其裨校王忠順董思安謀同殺紹頗迎立王繼勳為刺史從
效自署為平賊統軍俄而文進率兵來攻從效開城門與戰文
進敗走於是人心悉歸於從效會江南兵已平建州從效遂劫
繼勳送於金陵李璟以從效為清原軍節度使發兵屯郡中一
日從效謂屯將曰此一方東漸于海與福州世為讐敵南限廣

州瘴癘之地人使不通西連鄞水皆猿徑鳥道近歲干戈屢動
三農廢業冬徵夏歛僅足自贍不煩大軍久駐於此屯將皆不
對翌日置酒餞之郊外屯將不得已皆卷旗而去從效遂有漳
泉之地李璟不能制累授從效同平章事兼侍中封晉江王從
效起自行陣知人疾苦勤儉養民常衣布素涉獵史傳延納名
士部內清治吏民愛之王氏有二女嫁為郡人妻從效每給其
衣食歲取進士明經謂之秋堂周世宗征淮南從效遣衙將蔡
仲興為商人以帛書置革帶中由岳鄂送欵內附又請置邸京
師世宗以其素附江南恐其非便不許宋朝建隆初上表稱藩
李璟遷於洪州從效遣使假道吳越入貢太祖遣使賜詔書以

慰之未至而衙校張漢思陳洪進劫從效遷於東亭漢思自稱
留後從效疽發背卒卷一萬八千一百
三十七第八頁

王忠順

忠順泉州人隸本城為鄉軍與從效同殺黃紹頗遷為軍校江
南兵逼建州董思安與忠順同領眾赴難延政屯西門數戰不
利延政諭之曰孤以不德致寇公等與從效首誅兇黨克定泉
南踰越巖險以兵來援見公等之忠赤也今當勉之思安等俯
伏對曰臣以必死奉報時城中眾心離散或說以去就之計思
安曰吾輩世為王氏臣今視其危而叛去天下皆皆有容我者
乎眾感其言遂無叛者翌日城陷忠順力戰死之思安整眾歸

泉州追兵不敢逼

董思安見前
王忠順傳

卷一萬八千一百
三十七第八頁

陳洪進

洪進泉州仙游人少材勇選為州兵留從效殺紹頗遷為指揮
使從效將送紹頗首於建安迎延政為閩王郡下以道阻賊威
莫有肯行者獨洪進請往時尤溪賊數千眾遮道不得前洪進
神氣自若語賊曰朱福州已為義師所襲殺之矣爾輩更為何
人戍守即持紹頗首示之曰我倍道兼送之建州以嗣君返國
爾等無所歸矣賊遂潰散渠數人皆聽命因從洪進至建州延
政大悅擢洪進為建州馬步軍都指揮使及江南克建州延政
歸金陵李景以留從效為清源軍節度使洪進佐之出戰入守

十五餘年以功遷統軍使從效卒其子紹鉞使江南未復小子
紹鉞領留侯事月餘吳越遣使來聘紹鉞夜召其使與之宴語
洪進疑之乃誣紹鉞謀叛欲以其地入吳越執之送於建康推
副使張漢思為留後自為副使漢思老且謹事無巨細皆決
於洪進漢思諸子患洪進之專因大宴伏甲府署中將殺洪進
酒數行地忽大震屋宇皆傾動甲未及發而同謀者告之洪進
遽起去洪進子文顯文顯俱為牙校請以所部兵擊之洪進不
許一日洪進置大鑠於袖從子常服安步以入府中漢思方處
閣內洪進自外鑠其中門使人叩門謂漢思曰郡中軍吏以公
耄荒不能治請洪進知郡事衆情不可遏望以郡印相授漢思

錯迂不知所為乃以印與之洪進出召將吏告之曰漢思昏耄
不能治事以印見授矣將吏皆賀即日置漢思於別館以兵監
守之遣使如江南請命李煜以洪進為清源軍節度使建隆初
太祖平李重進於揚州江浙即納款洪進懼乃遣牙校奉表自
稱副使言張漢思請老歸第以已領軍事太祖賜詔書慰諭乾
德二年制授平海軍節度使仍鑄印以賜開寶八年江南平洪
進遣其子文顯來朝貢因降詔洪進入覲至建州聞太祖崩乃
還鎮發哀太宗即位加檢校太師太平興國二年入朝遂獻所
管漳泉二州之地願朝請加平章事卒年七十二贈中書令諡

曰順

卷一萬八千一百
三十七第九頁

九國志卷十

九國志卷十一

宋路振撰

楚

武穆王於唐乾寧三年丙辰自立於湘南

武穆王

姓馬名殷字霸圖唐中和時孫儒劉建鋒成蔡州

九鋒被殺衆推張信讓于殷時乾寧三年五月也

衡陽王

名希聲字若訥殷次子殷有子數十人嫡子希振

文昭王

名希範字寶規殷第四子希聲既封長興三年八月

九國志

卷十一

楚

廢王

昭四年五月壬辰薨年四十九諡文
昭是年六月劉知遠改國號曰漢
以希廣希範同母弟希範病以希廣屬拓跋恒將佐
欲遂奉希廣權軍府事時越希範薨之四月乙未也
七月甲午漢封為楚王十月希萼來奔喪拒之遂構
兵乾祐三年十一月希萼陷
長沙戊申被害葬瀏陽門外

恭孝王

名希萼殷第三子既害希廣遂自為楚王時漢
乾祐三年為南唐保大八年十一月丁未也保大
九年二月入貢於唐三月唐以為楚王九月戊寅
同母弟希崇指揮使徐威作亂執希萼幽於衡山
縣希崇既襲位國人不服復立希萼為衡山王希
崇求援於唐唐命邊錫將兵趣長沙十月鎬入醴
陵遂趣希崇入朝十一月辛酉盡遷於唐辛未鎬
遣先鋒李承戰將兵如衡山趣希萼入唐十一月
唐仍賜希萼爵楚王以希崇為節度使數年希萼
薨於金陵諡恭孝希崇率兄弟十七人奔於周

張佖

佖京兆長安人少通經史咸通初以明經中第累遷宣州從事

秦彥牧宣城陰養亡命將圖江淮而兇暴多忌不為吏民所信

佖慮其害已乃辭疾去職將歸京師至汝陽值秦宗權阻兵佖

往依之宗權與語大悅署為行軍司馬會宗權叛遣眾四出屢

為梁祖所破佖謂劉建鋒曰今天下方亂英豪角逐吾觀秦公

剛鷲猜忍終不能濟大事梁王軍政精明將士悉力一旦全師

奄至吾等無賴矣不如早自為謀建鋒孫儒俱從 殺宗衡自

領其眾以佖為行軍號令嚴肅眾皆憚之及破楊行密佖有力

焉行密逐趙鋌據宣州儒與建鋒領眾西上將討行密建鋒謂

佖曰今與孫公權全軍為公刷恥於宣州如何佖唯唯謝之於

是儒盡焚維陽積聚驅其民人大屯廣德將先平行密而後北渡及圍宣州糧道阻絕士卒大疲反為行密所破佶與建鋒率餘衆據湖南推建鋒為帥建鋒多私狎每飲酒部曲間有長直兵陳贍者其妻有殊色建鋒通之贍怒以鐵撻置袖中擊殺建鋒建鋒將吏推佶為帥佶將入府常所乘馬忽蹠齒不止正中佶髀仆地不能起者久之時殷征蔣勛於邵州佶謂其將吏曰吾非汝主當迎馬公為之於是礫陳贍於東市遣姚彥章等逆殷及殷至佶乘肩輿入府受其拜謁訖命殷升廳佶即降階率將吏拜賀請代殷攻邵州梁開平中奏授佶郎州永軍節度使累遷檢校太保同平章事乾化初移鎮桂林卒於治所子少敵

有武畧事殷為軍校希範襲位遷永州刺史天福中卒卷一萬
八千一
百三十七
第十頁

許德勳

德勳蔡州郎山人少為縣吏好讀書史任氣不羣秦宗權據淮西德勳往依之擢為左軍判官與殷同在帳下有州里之舊情好歎洽從孫儒討揚州以德勳為蹋白都指揮使時淮上饑饉德勳所至必先固囷倉以待儒謂左右曰成吾事者許蹋白也自是軍中謀議皆得預焉及儒敗於宣城與劉建鋒同入湖南以軍功奏授檢校太傅兼侍中殷代立以德勳為內外馬步軍都指揮使乾寧四年淮南楊行密遣使來通好以梁祖擅朝政

願與殷為兄弟之國以絕梁殷欲許之德勳諫曰行密盜據淮
甸抗衡中國明公義修職貢於朝為附庸一旦棄之前功盡廢
他日朝廷問罪江表以我為同惡即王師先至湖上矣不如拒
絕之乃心王室久長之策也殷從之天復中淮人攻鄂杜洪求
救於朝廷詔發荆湖漕郎兵以援之殷遣德勳與秦彥暉率舟
師東下時荆南成汭知梁祖將篡曲意事之乃自擁眾乘巨艦
直抵夏口為淮人所敗汭溺死德勳遂與郎州雷彥恭襲破荆
南盡俘其府實及士女伶倫工巧之徒凡數千人以歸天祐二
年又領兵畧地荆南還經岳州刺史鄧進忠以城歸附遷岳州
刺史梁開平初淮將冷業寇平江以德勳為東面行營步軍都

指揮使去淮軍五里下寨業以遊騎偵邏晝夜不絕德勳選習
水者五十人斬木取其枝葉戴之各持長刀浮江而下夜犯業
營令舉火為號俄而營中擾亂自相蹂藉火舉德勳以勁兵奄
至大敗淮軍斬首千餘級擒業及裨將二十餘人以歸天成中
淮將王彥章苗倫等寇兵州舟師萬餘人蔽江而下屯君山側
殷遣德勳率艤艘戰艦千艘以禦之德勳謂諸將曰淮人遠來
掩吾不備今若以全師臨之必懼而遁矣乃潛師屯角子湖偃
旗卧鼓夜遣裨將王環以戰艦二百斷楊林浦絕其歸路淮人
覺之遲明淮人移軍荆江口將會荆南兵合攻岳陽德勳選輕
艦三百令裨將詹信先襲淮人且行且戰德勳擁艤艘自後而

至大戰荆江中淮人大敗斬首千餘級溺死者甚衆擒彦章及
倫以歸而行密遣使來行成且請二將殷以禮歸之遣德勳餞
彦章等德勳謂之曰楚國雖小舊臣宿將尚在願公此歸勿以
湖南為念若須得志當在馬子爭州然後可圖也彦章等媿謝
而去是後馬氏諸子果爭立為江南所滅人以德勳為知言天
成二年殷建國拜右相卒年七十餘子可瓊

卷一萬八千一百
三十七第十頁

鄧進忠

進忠湘陰人世為土豪兄進思唐中和初為瀏陽鎮將黃巢之
亂江湖荒饑進思陰養死士千人以防寇盜會巢弟黃浩領惡
少數千剽劫江左號浪宕軍轉入湖外大掠瀏陽進思患之乃

與進忠謀率壯士伏山塚間軍過半橫出擊之浩軍大敗前後
皆遁走浩僅以身免縣以事聞於州奏授進思嶽州刺史天復
中進思卒進忠襲位天祐二年許德勳襲荆南回出戰艦臨其
城進忠遣人獻牛酒閉門納德勳大享將士德勳諭以禍福翌
日舉族南歸長沙賜進忠鞍馬繒帛金銀器令權知衡州軍州
事未幾表授刺史同光中卒

卷一萬八千一百
三十七第二十頁

姚彦章

彦章字繼徽汝南人少儻有武畧乾符中黃巢盜起秦宗權
召募豪俊以彦章隸帳下善用鐵槊重百餘觔每上馬盤辟疾
如旋風觀者壯之隨孫儒渡淮拔廣陵儒死宣城隨劉建鋒入

湖南領廳直軍最被親信及建鋒遇害張佶傷髀不能視事佶與彥章首議迎殷遂遣彥章率所部迎殷於邵州殷初疑之猶豫未即還彥章入白殷曰劉龍驤張行軍於足下同功一體之人也不幸龍驤有不測之禍行軍以髀病廢是天意人望歸於足下何遽疑也殷釋然遂令彥章統衆先歸國內既定翌日殷至代立以功遷長直都指揮使彥章建議平嶺北七州薦李瓊為游奕使桂州平奏授靜江軍行軍司馬監軍府事遷檢校工部尚書橫州刺史容南龐巨昭歸欵彥章率軍迎之遷寧遠軍節度副使知容州事殷建國拜左相遷昭順軍節度使清泰中加兼侍中卒

卷一萬八千一百三十七第十一頁

秦彥暉

彥暉上蔡人宗權之族弟父轍仕郡為牙校彥暉少伉勇有知畧宗權將敗族人懼禍彥暉請隨族兄宗衡討揚州宗衡為儒所害彥暉從儒攻宣州儒敗又從劉建峯入湖南為捉生指揮使光化中殷將平嶺北以彥暉及李瓊為七州游奕使率兵平桂林虜劉士政以功奏遷檢校太保天祐末淮將劉存劉威領戰棹攻湖南殷以彥暉為在城都指揮使領兵三萬以禦之彥暉潛艘艫於上流以待淮人又遣副指揮使黃璠分戰棹三百艘潛瀏陽口存以舟師至越隄屢戰不利乃遣使送書於殷以請和殷欲許之彥暉曰淮人多詐將緩我師而為變不可信也

使者回以其言白存時彥暉與存對水為陣存登岸遙呼彥暉曰我降矣而公弗許古人有言殺降不祥公豈不為子孫計彥暉怒曰賊踞吾城下而不擊奚顧子孫耶乃鼓譟齊進淮人遁走黃璠自瀏陽口列戰艦橫絕大江合擊之淮人大敗擒劉存至夕劉威以輕舸遁去彥暉親戮其裨校百餘人以功奏加檢校太傅開平三年領兵攻郎州殺其將區景思擒節度使雷彥恭及其宗屬雷彥雄等七人以歸郎州平遷道州刺史乾化中代歸卒

卷一萬八千一百三十七第十一頁

王環

環許州人少隸忠武軍秦宗權據淮西以環有勇力召置帳下

後與劉建鋒從孫儒渡淮儒死宣城又隨建鋒入湖南為捉生指揮使剽畧郡邑先登陷陣衆推其果毅建鋒死殷代立遷水軍都指揮使畧地上高擒淮將劉靖奏授檢校司徒貞明初徙岳州刺史許德勳以舟師巡境上夜中南風暴起環乘風鼓棹直抵齊安城中纜四鼓環挂繩梯登城殺守卒十餘人引戰士直入州解擒刺史馬鄴遲明城中驚擾德勳乃驅其官屬將吏寘入舟中大掠而歸至纜口德勳謂環曰鄂人其邀我乎環曰我師入黃州而鄂人不覺今奄至城中迅雷不及掩耳當自救無暇安能邀我乃展旗鳴鼓成列而行鄂人不敢出至岳陽以所俘獻殷大喜奏以環領黃州刺史天成初史光憲自京師還

為荆南高季昌所執奪明宗所賜名妓女殷遣環與袁詮詹信率戰艦三百艘討之大畧於境上季昌遣將屯劉郎洑環進兵擊破之奪戰艦百餘艘遂逼荆渚季昌懼請和取光憲以歸殷建國以環為左六軍副使長興二年卒環善治舟師能以寡擊衆布衣糲食與士卒同甘苦每戰罷必盡索傷者扶至帳前手自療治之鍼鈞鈐夾名膏上藥常置座右殷每部分諸將使之出征士卒得隸環麾下者咸相賀曰吾輩不畏死但獲居王六軍隊伍中足矣其為士卒所愛如此

卷一萬八千一百三十七第

王贊

贊事希範為衡山指揮使時十五餘年境內無事但以所部營

飾宮室初修佛廟而已贊求自試乃以為岳州刺史乾祐初希萼率兵攻湖南希廣以贊為都部署率衆禦之敗朗軍於僕射洲奪戰艦三百艘希萼奔歸武陵密遣人以珍幣通好於贊贊拒而不答三年希萼復大舉兵攻長沙路由岳陽贊堅壁自守希萼不敢逼遣人謂贊曰比約與君同行今何異心也贊曰大王兄弟尚不相容何責將吏之異心也願大王入長沙無傷同氣臣守岳陽敢不盡臣節希萼感其言及篡位奏授贊永州防禦使淮將邊鎬據湖南有占者云王氏繼馬氏時議以贊有世功當應其讖鎬白於李璟乃授贊鎮南軍節度使賜襲衣巾帶以毒置巾帽中未幾贊腦裂而卒

卷一萬八千一百三十七第十二頁

李瓊

瓊蔡州汝陽人少以剋勇選隸秦宗權帳下後隨孫儒渡淮儒敗又從劉建入湖南為親從都裨校殷代立遷本軍指揮使時湖外初霸土宇未廣議者復請規取嶺北七州之地乃命瓊與秦彥暉為七州游奕使張國英李唐為之副兵克水道彬連四州因水陸齊進屯全義嶺時桂州劉士政遣副使陳可璠營嶺下指揮使王建武營秦城以拒我師彥暉三戰不利會全義民請為鄉導瓊詰之對曰此去西南有古路背嚴闕抵秦裁五十里雖生荆棘可通單騎瓊乃白彥暉請以步卒三百騎兵六十以巨槩長劍銜枚夜襲秦城至建武營纔三鼓矣時營中士

卒不虞我師之至皆熟寢令騎兵分布柵外自以牛革蒙柵門踰入士卒隨之營中亂自相蹂躪斬首百餘級衆遁走擒建武而歸遲明至大寨繫建武以素練示可璠營中可璠不知我師已破秦城寨猶鼓譟未信乃斬建武投首營中士卒震駭彥暉因其驚擾以全軍擊破之擒可璠降其將吏二千餘人欲部送歸湖南瓊曰我以七千人討桂林若分兵以送降者前有大敵何以當之此敗軍烏襟其心不一不如殺之以全軍直趨桂林此席卷之勢也於是盡坑降兵自秦城以南猶有二十餘柵皆迎風而潰瓊以先鋒兵躡之比至桂林殺戮萬計遂圍其城九日而士政降彥暉班師殷以瓊為桂州刺史令經畧嶺南遂襲

容州降龐巨昭明年又與呂師周克韶賀梧三州瓊魁岸多力
每食肉十餘觔踞案大嚼眈眈然軍中號曰李大蟲先是桂林
兒童聚戲衢路中忽相驚走曰大蟲來大蟲來至是果應瓊治
桂林三年招納逋遁法令寬簡吏民便之開平中卒於治所年
六十八卷一萬八千一百
三十七第十三頁

呂師周

師周廣林人吳將蒙之裔孫也父珂少以勇敢隸楊行密帳下
累戰有功遷黑雲都指揮使師周少勇敢任氣隨父征討臨陣
未嘗介甲金創被體而談笑自若衆皆服其果毅珂卒行密令
代其父為指揮使天祐初副指揮使綦母章以所部兵屯上高

與湖南為敵境累戰殺傷者萬餘人遷袁州刺史師周性豪率
頗通緯候及兵書自言世將家子不可保富貴每恣為杯酌狎
客常十餘人醉必起舞或擊節狂歌慷慨泣下行密聞而疑之
密遣人偵其動靜師周不自安乃謀於綦母章曰吾與湖南對
壘有日矣觀其營中雲飛紛紛然未易敗也馬公寬仁待士有
禮吾欲逃死焉公以為何如章曰公自圖之章舌可斷而言不
洩也乃遣牙將呂蔚通欵於我開平初以所部兵大畧境上因
歸於湖南章縱其親隨之人殷聞師周至甚喜曰吾方圖嶺表
得師周足矣即以為步軍都指揮使領袁州刺史明年率兵攻
韶賀梧象龔富等州劉隱公十餘戰而克之奏授韶州刺史乾

化中領兵破飛山蠻斬其帥潘金盛諸蠻悉歸欵奏授檢校太傅清泰中卒

卷一萬八千一百三十七第十三頁

廖光齊

光齊有武幹事殷為決勝副指揮使天成末從許德勳討荆南屯兵沙頭高季昌之子從嗣為雲猛指揮使驍果無敵一日單騎薄德勳營眾不敢出光齊怒言於德勳曰此駭童也請為公擒之乃介馬援槍而出與從嗣格鬪良久光齊偽墜馬從嗣奪以擊之反為光齊所擒時季昌以數十騎觀於臺上見其子被擒亟令騎士來請及入營光齊已拉殺之矣季昌大慟翌日遣使請成光齊以功遷決勝指揮使性簡教使酒因爭飲令毆

同列黜為邵州教練使未幾復舊職討溪州蠻中流矢而卒

卷一萬八千一百三十七第十四頁

彭玕

玕吉州廬陵人世居赤石洞為首豪黃巢之後江表寇盜蜂起玕於鄉里保聚徒眾得數千人自為首領捕逐羣盜有功本州補玕永新制置使玕雅好儒學精左氏春秋當兵荒之後歲新在飢饉玕延接文士曾無虛日治具勤厚人多歸之廣陵筆工李鬱者善為詩什玕嘗貽書於鬱以白金十兩市一筆又令鬱訪石本五經卷以白金百兩為直廣陵人相謂曰玕以十金易一筆百金酬一卷况得士乎於是蕭謨等數人咸往依之鍾傳

據江西其裨將韓德師叛傳令其弟瑊攻破之斬獲甚衆軍政
嚴肅樵採不犯傳以瑊為吉州刺史未幾以玠代之玠以傳為
輔車之勢會傳死楊行密將攻破豫章虜鍾匡玠懼將圖據湖
南先遣其黨教贍李緒來致書於殷且覘殷之起居殷勞之翌
日大宴府中將吏畢集以贍為上客贍等歸以語玠曰馬公龍
髯鳳眸大人之表其將吏輯睦少長有禮未可圖也玠默然開
平中撫州危全諷率袁吉之兵以復豫章至象牙潭淮將周本
擊破之玠乃以所部并其族千餘人歸欵於我殷發兵境上援
其輜重至即奏授郴州刺史隴西郡公以希範聘玠女天成中
玠卒年七十三兄鄴弟瑊子繼英繼勳卷一萬八千一百
三十七第十四頁

劉昌魯

昌魯字安國相州鄴縣人唐末明經登第拜褐項城主簿累遷
至尚書郎乾符中出為高州刺史黃巢寇嶺南郡縣離析昌魯
使其居民據保障以自守一境獲安就遷防禦使劉隱入廣州
遣其弟龔領兵攻高州昌魯率勵丁壯逆戰於城外大破龔軍
自以地小力寡終慮為隱所吞開平初乃致書於殷曰僕昔占
籍鄴中受恩唐室蒞高三歲遇黃巢之亂投合生齒保於掠山
因深為塹憑高作壘攻苦食淡以勤士卒泊盜賊平定二境獨
全高涼之民至今相戴而中原多故嶺南不賓劉隱亂常僭興
師律舉蠻貊之衆成吞噬之心僕嘗訓勵甲兵躬當矢石埽壘

一戰劉巖遁走雖仗義者必勝恃力者必亡然而山越之人瘡
痍衆矣殘民以逞所不忍為昔古公去豳實融歸漢千古之下
迭為推美僕雖顯愚景慕前列惟明公負江湖之固有桓文之
業土宇至廣仁風素厚願以所部歸欵於執事謹刺血染翰上
達誠悃惟明公圖之殷覽書甚喜即遣指揮使張球率兵迎之
昌魯盡輦其帑庫及士卒千餘人歸於湖南奏授永順軍節度
副使兼行軍司馬天成中卒

卷一萬八千一百
三十七第十五頁

鄧處訥

處訥邵州龍潭人少為州兵累遷至軍校唐乾符中從閔頊征
蠻于安南黃巢之亂盜殺潭州觀察使李勣城中無主會頊自

安南回以所部兵駐郡中傳檄諸州同捍無盜境內以安遣使
奉表於朝詔以頊為檢校右僕射欽化軍節度使潭州刺史處
訥從頊久在安南及是欲歸邵州省其親族頊回署處訥為邵
州兵馬留後未幾衡州刺史周嶽舉兵襲頊殺之因據長沙處
訥縞素發哀召集將吏諭之曰閔僕射駐軍長沙親扞寇盜布
衣糲食以養士卒救民於塗炭恩德厚矣不幸為鼠輩所圖今
欲與諸軍問罪於周嶽可乎衆皆曰留後為善人雪冤敢不從
命乃以精卒二千襲嶽殺之梟首於東市遂據其城慰撫將吏
中外胥悅時景福二年也既而州人以狀聞於朝廷詔以處訥
為湖南節度兵馬留後乾寧元年劉建 領衆自豫章處訥遣

其鄉豪首蔣勛等領步卒三千斷龍回關殷先至關召勛等諭以禍福仍許奏授官秩勛衆皆喜是夕乃棄鎧甲旗幟潰邵州明日建峯令前鋒兵盡被邵軍鎧甲張旗幟直趨潭州薄城東門守陴者不之覺且謂邵軍之回也門啟前鋒兵徑趨府中將吏驚走是日處訥內宴集寮屬了無備禦裨將宋全節就擒處訥斬於長史橋側

卷一萬八十一頁
三十七第十八頁

龐巨昭

巨昭不知何許人唐末為容州觀察使精天文緯候之學黃巢入廣南巨昭括部內諸蠻得數千人親自選練分屯險隘巢寇憚之不敢犯其境以功加寧遠軍節度使開平初高州劉昌魯

率衆歸附殷遣姚彥章李瓊率兵迎之長驅而南前鋒至容州巨昭將歸歛於我乃大亨將士而謂之曰字瓊甲馬雄盛乘席卷之勢必來侵我何策以禦之裨將莫彥昭對曰瓊軍遠來士卒疲乏請盡徹儲糧潛兵山谷空城以待之瓊至當據吾城外無救援我以全軍掩其不備浹旬之間瓊可擒也巨昭曰吾觀楚氣甚銳未易破也不如以牛酒犒其軍爾輩不失為富家翁足矣彥昭不從巨昭殺之迎勞瓊瓊以軍徑赴城中俄而廣南劉隱率衆來我師不能守於是盡輦其府寶驅其人民以歸巨昭挈其族數百口隨歸長沙殷久聞巨昭之名遣使慰勞即日奏授檢校太傅領容管經畧使巨昭在嶺南嘗占翼軫間有善

星因謂所親曰劉隱兄弟不道殘害良善吾終當逃歸於長沙
至是果歸附人或問湖南與淮南國祚長短巨昭曰吾入境來
聞童謠曰三羊五馬馬子離羣羊子無舍自今以往馬氏當五
主楊氏當三主後皆如其言貞明中卒年七十六卷一萬八千
一百三十七

第十
九頁

彭師曷

師曷溪州人世為諸蠻酋長父仕然唐末溪州刺史其地西接
牂牁羽林南抵桂林象郡東北控澧朗方數千里山水險惡舟
車不能通其蠻有六種盤氏為大即盤瓠之種也俗無文法約
束繁於酋長當仕然之世昆弟強力多積一故能誘脅諸蠻皆

歸之勝兵萬餘人春夏則營種秋冬則暴一而長沙四境最被
其患天福四年仕然遣使通款於蜀且請共同寇澧朗辰三州
大畧縣邑希範遣指揮使劉勅全師率衡山步卒五千以救之
勅等擊敗其兵仕然遁去遂進兵襲溪州州在山頂為堡四面
斗絕勅選壯士緣崖梯山縛棧道以圍守之仕然夜舉烽火以
集蠻軍勅於溪澗中置毒蠻軍至飲其水者皆病嘔不能戰死
者甚眾一日南風暴起勅以火箭射堡中盡焚其廬舍蠻軍多
死仕然乃率所部夜踰絕險遁入獎州遣師曷率諸蠻酋長田
沂贊覃行方向存祐羅君富等携牌印納款於勅勅班師與師
曷等歸長沙釋其罪厚賜而遣之奏授仕然溪州刺史兼溪洞

招撫使以師嵩補武安軍牙校師嵩有勇力善射累從諸將征討有功遷衡山指揮使希廣襲位改強弩指揮使領辰州刺史希萼舉郎州之衆以攻湖南列戰棹於水西軍勢甚盛師嵩登城觀之白希廣曰朗人驕而輕雜以蠻兵其勢易破請假臣步卒三千人南自巴溪渡江趨嶽麓後夜擊之請令許可瓊以舟師陣於山前破之必矣希廣因與可瓊謀堅沮止之翌日師嵩見可瓊於軍門坐談戰事師嵩瞋目叱之曰汝反文在面即日當投賊何庸論戰耶拂衣而去乃白希廣請誅可瓊希廣不從師嵩退而嘆曰禍亂如此王稔惡無斷敗亡可待矣及朗軍攻長樂門可瓊果束甲以入於賊城陷師嵩被擒希萼命釋之師

嵩溪洞人性獷直不喜阿附屢為希萼以罪笞責及希崇篡位令師嵩衛送希萼囚於衡山欲使殺之於此而師嵩奉事彌謹終以保全因與指揮使廖偃同謀立希萼為衡山王後隨希萼歸江南李璟聞其忠節擢為殿直都指揮使後卒於金陵

卷一
萬八

千一百三十
七第二十頁

劉言

言吉州廬陵人少事彭玕為伍長以勇幹聞開平中玕納欵於湖南言從歸長沙希範即玕之壻也出鎮朗州召言為牙將及希範襲位溪洞酋長多求欵附乃以言知辰州軍事以鎮撫諸蠻使之未幾奏授辰州刺史希萼入湖南百役繁興靜江軍指

揮使王逵周行逢叛歸朗州初希萼令其子光贊為朗州留後
逵至廢之以馬希振子光惠權軍州事光惠庸懦不能馭群下
但酣淫戲而已將吏患之逵等懼亂遂與行逢謀遣人往辰
州請言為副使言素知逵等兇暴謂其徒曰南方禍亂方始今
若不往必加於我矣於是盡留所部以單騎行逵等遂廢光惠
推言權留後事時周廣順元年也言既立遣使詣闕下上表又
遣使納款於李璟求授節鉞璟未之許也會希崇逐希萼而自
立請援於江南璟遣其將邊鎬率師入長沙盡俘馬氏之族歸
於金陵二年冬璟又下詔召言入覲言不行因令副使王逵行
軍司馬何敬真指揮使張傲滿公益朱全斌宇文瓊周行逢彭

和潘叔嗣張文表等號十指揮使同率兵入湖南逐鎬鎬奔
歸江南言乃以逵權知潭州軍府事遣使詣闕上表且言逐江
南賊軍復馬氏土疆之意周太祖遣使來宣慰三年正月言又
遣使上表言長沙經兵火焚毀就請以朗州為治所周太祖下
詔升朗州為大都督府在潭州桂州之上以言為檢校太師同
中書門下平章事武平軍節度使逵為潭州刺史武安軍節度
使敬真為桂州刺史靜江軍節度使指揮張傲而下並領刺史
為節度副使或行軍司馬皆言奏請之也是月又遣牙校張崇
嗣置邸京師歲時修貢周祖下詔賜言舊屬湖南在京及諸處
莊宅邸店時王逵為節度使周行逢為行軍司馬專制湖南威

雄漸盛言懼其為變將圖之達與行逢謀先六月達率所部兵入朗州殺言部將鄭玫收言囚於別館誣奏言與江南通謀誘引淮賊將并潭朗之地以歸金陵八月周祖下詔奪言官勒歸私第委達以便宜安置復下詔令達歸治潭州乃以潘叔嗣權知朗州軍府事未幾令叔嗣殺言於武陵初民間謂為劉黻牙馬氏將亂湖南有謠言曰馬去也不用鞭齧牙過今年及邊鎬入長沙盡俘諸馬歸金陵鎬尋為王達所逐奔歸江南是歲言亦為叔嗣所殺皆其驗也

卷一萬八千一百三十七第十五頁

王達

達朗州武陵人或名進達少以驍勇選為朗州江兵希萼入朗州

累遣討賊有功遷本軍指揮使乾祐三年希萼攻湖南令達領戰棹為前鋒陷長沙希萼既立達有力焉希萼剽劫之後城中帑庫盡以焚毀賞賜不足又重構府署執役者皆靜江士卒相與怨憤聚而謀亂副指揮使周行逢聞之以告達曰士卒怨懟深矣不早為計難將及我是夕乃擁其眾以長柯巨斧斬關以出遂歸武陵時希萼方醉遲明始遣裨將唐翥領兵追之不及因徑趨朗州士卒皆重趄不復成列達先已入城伏卒門下翥至達縱兵擊之翥軍大敗追殺殆盡翥僅以身免達乃逐留後馬光惠請辰州刺史劉言為帥未幾長沙兵亂指揮使徐威等廢希萼而立其弟希崇囚希萼於衡山行軍司馬廖偃與指揮使

彭師曷共立希萼於衡山王將納之希崇懼納欵於江南且請
兵為援李璟遣其將邊鎬率師入長沙盡遷馬氏之族歸於金
陵璟以鎬為武安軍節度使又遣將劉仁贍率師取岳州鎬將
圖朗州密白璟請召言入覲言不行謀於逵曰江南召我不往
必加兵於我矣為之奈何逵曰鎬之此來以制置潭朗為名公
如東行正入其算武陵負江湖之固帶甲萬衆乃欲拱手臣異
姓乎鎬新至長沙經畧未定乘人心憤怒引兵攻鎬可一鼓而
擒也言然之乃遣與何敬真等同起兵於武陵號十指揮使以
攻邊鎬逵率舟師南上至長沙邊鎬大駭以所部奔歸江南諸
州屯守皆罷去盡復湖外之地時廣順二冬也逵遂據長沙

與劉言同遣使上表於朝三年正月周祖一詔褒諭以逵為武
安軍節度使逵出於行陣本無鈐畧不能馭群下時諸指揮使
受詔為節度副使者數人多留長沙各置牙兵分廳案事軍政
淆亂將吏患之每宴集府中喧拏如市逵莫能禁止會廣兵乘
間盡取梧桂郴連之地逵率衆南征敗於礮石而還時何敬真
朱全琇同在武陵與劉言不協各謀為亂言又以逵專制湖南
慮其難制將并長沙之地逵大懼因與周行逢謀召敬真全琇
領兵討桂林至皆殺之又殺張傲於府中敬真之姻也乃率所
部兵襲武陵幽言於別館誣奏言欲併潭朗歸欵於江南周祖
下詔委逵以便宜處置逵既殺言遂移治武陵時顯德元年也

世宗下詔以逵為武平武安等軍節度使三年世宗征江南詔逵為南面行營都統以所部兵逼鄂州攻其長山寨而還復領眾逼宜春道出長沙耀兵金波亭有蜜蜂集繖蓋中占者以為不利遂留長沙令行營副使毛立領兵南下以潘叔嗣張文表為前鋒叔嗣怒至澧陵擁眾而還逵聞兵叛乃乘輕舸歸武陵叔嗣追殺之於朗州城外

卷一萬八千一百三十七第十六頁

周行逢

行逢武陵人少無賴與王逵同里俱為靜江兵事希萼為小校從希萼攻湖南陷長沙靜江軍叛隨逵入朗州破追兵於城門下殺千餘人逵攻邊鎬令行逢率部卒趨之陽拔其寨殺江南

兵二千餘人擒其將李建期逵平湖南周二下詔以行逢為集州刺史充武安軍節度使行軍司馬劉言利併潭朗逵聞而憂之以語行逢行逢曰言本江西反徒敬真全琇今暴無職相與為亂必矣會廣南兵寇全義行逢乃與逵密謀白於劉言請以敬真為南面行營招討使全琇為先鋒令會兵於湖南比至皆殺之逵攻劉言於武陵以行逢權知潭州軍府事顯德元年世宗下詔以行逢為武清軍節度知潭州軍府事逵奉詔領軍征宜春至長沙不行遣副使毛立潘叔嗣張文表統眾南伐行逢久專湖南之務頗任威刑逵屢以言規之行逢不悅叔嗣又怒逵即安而令已起難頗出怨言叔嗣將行行逢餞之泣曰吾

見師之入也叔嗣懼至澧陵邑吏請以牛酒犒師毛立不士
卒皆怒叔嗣乃與張文表械立送於行逢明日擁衆回長沙叔
嗣既殺達乃迎行逢歸治朗州行逢至懲王達之亂斬叔嗣以
狗遂自領兩鎮留後遣使奉表詔以行逢為朗州大都督武平
軍節度制置武安靜江等軍事乃表宇文瓊為武清軍節度使
張文表為衡州刺史領親衛都指揮使彭萬和為永州防禦使
觀察判官李觀象通判軍事釋毛立為水軍都指揮使行逢既
得志恣行誅戮達之子弟及門將吏死者百餘輩性猜忌每遣
人伺察郡縣守宰有聚飲偶語者必逮捕下獄以謀反誅宇文
瓊彭萬和與行逢族兄飲酒疑其謀叛夜遣甲士圍其第盡擒

殺之麾下之人皆重足脅息五年朝廷遣以儲魚鹽於境上行
逢懼乃繕治戎器增築城壁閱諸州鄉兵入修武備皇朝建隆
三年以疾卒年四十六葬武陵之肩山子保權嗣行逢性殘忍
然為治嚴整不徇私黨躬履儉約以率群下辟署官吏必取廉
介之士條教簡約民甚便之有女壻求補吏不許給以耒耜而
語之曰吏所以治民也汝才不能任職豈敢私汝以祿姑歸墾
田以自活也其妻嚴氏不入府署躬率奴僕耕織以給賦調人
民化之務率稼穡四五年間倉庫充實尤崇信釋氏常設大會
齋緇徒畢集行逢徧拜之捧椀執悅親侍湔洗因謂左右曰吾
殺人多矣不假佛力何以解其冤報乎

卷一萬八千一百
三十七第十七頁

何敬真

敬真武陵人少以強勇隸朗團軍希萼入朗州署步軍都指揮使乾祐三年希萼攻湖南命敬真率步騎三千出竹柵屯兵楊柳橋以逼其城湖南指揮使韓禮率步騎五千陣於橋西敬真登橋望之見其旗幟不整曰此非我敵也乃縱兵擊之潭人大亂奔入城中禮被傷至其家而卒明日城陷希萼之攻長沙也以其子光贊守武陵至是既平湖南乃以敬真為朗州衙內指揮使以翊光贊王逵周行逢叛於長沙以所部兵奔歸朗州廢光贊奪其印綬而立馬光惠敬真不能拒後又與王逵同請劉言為帥會希崇逐希萼而自立請援於江西南邊鎬率師入長沙

劉言王逵同謀逐鎬乃結敬真為十指揮以率舟師同攻湖南鎬遁走奏授敬真檢校太尉靜江軍節度使敬真求歸治所言不許留於長沙與王逵不協求歸朗州許之時劉言已為使相敬真不能下之每使酒悖慢言不勝其忿且意王逵等遣敬真伺已也將誅逵敬真亦欲殺言以據朗州事未及發逵皆偵知之因與周行逢密謀將先誅敬真後圖劉言會廣南兵入境因偽召敬真為招討使會兵於長沙敬真即日以牙兵百餘人徑往湖南逵迎勞於郊相見甚歡館於馬氏之故第宴飲彌日多選妓女置帳幄中敬真流連月餘逵乃遣人偽自朗州來者傳劉言之命就詰敬真曰邊寇搶攘委公以戎事公耽淫縱酒遲

留不發太師以公觀望命械公歸西府時敬真已醉愴恍不知
所為乃俛首就縛送朗州殺之於路卷一萬八千一百
三十七第十八頁

九國志卷十一

九國志卷十二

宋唐英補撰

北楚

武信王於梁開平元年據有荊州以得歸峽至宋乾德
改元國除傳襲四世五帥凡五十七年歐史作南平

武信王

姓高名季興字貽孫陝州硤石人本名季昌避後
唐諱更今名初隸朱友讓得見全忠奇其才命友
讓畜為子冒姓朱氏補制勝軍使天復三年拜宋
州團練使徙穎州防禦使復姓高氏梁開平元年
五月拜荊南節度使乾化四年八月封渤海王龍
德三年十月戊寅梁亡乾化四年八月封渤海王龍
月丙午封南平王天成二年因掠唐所部送蜀貨
荆官爵乾貞二年六月稱藩于吳是年十二月丙
辰薨年七十一謚武信葬

文獻王

名從誨字遵聖季興長子既襲位吳以為節度使
懼唐見討復修職貢時為嗣位之明年唐天成四
年也是年七月甲申唐復以節度使追封季興
為楚王長興三年二月賜爵渤海王應順元年正

九國志

卷三 楚

一

月改封南平王荆南介于吳楚自吳稱帝而南漢
閩楚皆修貢中原假道境上自季興以來常邀掠
貨物諸道移書請責即復還之無慙色其後南漢
與閩稱帝從誨所向皆臣利其賜予諸國日為高
賴子又曰高無賴漢乾祐元年十一月癸卯
薨年五十八葬龍山鄉明年漢加諡文獻
貞懿王 名保融字德長從誨第三子漢順元年十一月
丁丑漢以為荆南節度使周廣順元年封渤海郡
王顯德元年正月丙子進封南平王建隆元年
年八月薨年四十一葬龍山鄉宋加諡貞懿元
侍中 名保融字省躬從誨第十一子保融同母弟也保融
即世宋以為荆南節度使建隆三年十一月卒年三
十九贈

侍中 名繼冲字成和保融長子保融既歿宋以為荆南節
度使乾德元年二月宋師至納土出降十月至闕下
授武寧軍節度使鎮彭門幾十年
開寶六年卒年三十一贈侍中

李景威

景威公安人幼隸於軍而頗有智畧累以功遷雲猛指揮副
使保勗以為衙內兵馬副使繼冲嗣立多委任之初聞慕容延
釗等伐張文表景威乘間見繼冲曰今王師雖稱假道以收湖
湘然觀其勢恐因而襲我景威欲效犬馬之力願假兵三千人
於荆南中道險隘處設伏候其夜行發伏攻其上將王師必自
退却回軍收張文表以獻於朝廷則公之功業大矣不然則有
搖尾求食之禍繼冲曰吾家世世貢奉朝廷必無此事爾無過
慮况爾非慕容延釗之敵也景威又曰俗傳江陵諸處有九十
九洲若滿一百則有王者興自武信王之初江心深浪之中忽
生一洲而滿百昨此洲漂沒不存茲可憂繼冲又不聽景威知

計不行自扼吭而死及王師入城繼冲悔不用其言太祖聞景
威之計曰彼忠其主也命王仁瞻厚卹其家卷一萬八千一百
三十七第二十四
頁

九國志卷十二終

附梅里李金瀾九國志後二跋

仁和宋小茗惜陰日記云路振九國志以書久佚餘姚邵二

雲於永樂大曲中錄得傳若干篇編為一二卷今檢各傳吳

四十四南唐一吳越五前蜀十八後蜀一十七東漢五南漢

八閩八董思安附
王忠順傳楚十九北楚一計傳一百三十六篇其書

稱荆南曰北楚王伯厚云九國志凡四十九卷其孫綸增入

荆南高氏治平元年六月上之實十國也陳振孫以末二卷

為張唐英補撰在四十九卷之外則非路綸所增入矣按永

樂大曲原書殘闕此本已有為二雲編修所校補者

嘉定錢宮詹日鈔云路振九國志周有香夢棠排次為十二

卷王伯厚云九國志四十九卷陳振孫則云末二卷張唐英
補撰合五十一卷

學經室九國志程氏云此書久失傳惟曲阜孔氏
尚有舊鈔殘帙用以重錄得列傳百三十有六編
為十二卷而考家之文已不及見余甲午秋讀相國

集錄附於此五增



業曾傳圖題錢牧齋不有借九國志後楊奕宅行仄爐
深者悅惜存錄雲梅書目後叙上德道光庚寅二月
梅里李司訓過孫以抄本見示擬錄之雖時伊欲赴括
蒼原亦去今以存之而借抄據符生云此本舊抄居吳

門費堯圖所藏經多訛字又黃在詠以文稜子人仔國臣
乃紳入南洋星未之校而果石黃字个張以甲原卷
十月十日集後三日張玉再識



圖

館圖
藏書

